

- 1' Im chor gar mancher narr ouch stat
- 2' Der vnnütz schwätzt / vnd hilfft / vnd ratt
- 3' Das schiff vnd wag / von land bald gat



von schwetzen im chor.

- 1 Vil stant jnn kirchen / vnd jm chor
- 2 Die schwetzen / rotten durch das jor
- 3 Wie sie zûrichten schiff / vnd karr
- 4 Das man gon Narragonyen far

q

5 Do seyt man von dem welschen krieg
 6 Do lügt man / das man redlich lieg
 7 Vnd ettwas nüws bring vff die ban
 8 Als würt die mettin gefangen an
 9 Vnd wert dick / zů der vesper zyt
 10 Vil kâmen nit / trib nit der gydt
 11 Vnd das man gelt geb jn dem chor
 12 Sunst werent sy on die kyrch vil jor
 13 Es wer besser vnd weger eym
 14 Er blib gantz über all do heym
 15 Vnd richt das klapper benckly zü
 16 Vnd synen genßmerckt / anderßwo
 17 Dann das er jn der kyrchen will
 18 Sich jrren / vnd sunst ander vil
 19 Was mancher nit vß richten kan
 20 Das schlecht er jn der kyrchen an
 21 Wie er vff rüst schyff vnd gschyr
 22 Vnd bring vil nüwer mer har für
 23 Vnd hat groß flyß / vnd ernstlich geberd
 24 Do mit das schyff nit wendig werd
 25 Er ging ee vß dem chor spatziere
 26 Das er den wagen recht möcht schmieren
 27 Aber von den dar ich nit drucken
 28 Die jnn den chor alleyn dünt gucken
 29 Vnd zeigen sich mit presentieren
 30 Treffen doch bald wider die türen
 31 Das ist andächtigt gebett / vnd güt
 32 Do man sollich ding vß richten thüt
 33 Do werdent pfründen wol verdient
 34 So man dem roraffen zů gyent